

Sambutan Hari Pekerja

# Teliti aspek perundangan jaga kebajikan pekerja gig

Kementerian rekodkan 15,313 aduan diterima aplikasi WFW

Oleh Mohd Iskandar Ibrahim  
mohd\_iskandar@bh.com.my

**Kuala Lumpur:** Kementerian Sumber Manusia (KSM) akan meneliti keperluan menggubal undang-undang khusus bagi mengawal selia dan melindungi kebajikan pekerja sektor gig yang kini disertai kira-kira empat juta rakyat.

Menterinya, Datuk Seri M Saravanan, berkata KSM memberi jaminan isu status pekerja gig, terutama dalam aspek kawal selia aspek perundangan akan diteliti secara komprehensif dengan kerjasama pelbagai pihak.

"Pasaran pekerjaan kini lebih berorientasikan pasaran pekerja dan tidak lagi terhad kepada pasaran majikan.

"Justeru, warga kerja mempunyai pilihan untuk pekerjaan lain seperti ekonomi gig yang dapat menawarkan pendapatan lebih tinggi berdasarkan kemahiran mereka," katanya dalam perutusan sempena Hari Pekerja, semalam.

Saravanan berkata, kira-kira empat juta rakyat Malaysia ketika ini, menyertai ekonomi gig berbanding hanya 500,000 orang sebelum berlaku pande-



Kira-kira empat juta rakyat Malaysia ketika ini menyertai ekonomi gig yang dapat menawarkan pendapatan lebih tinggi. (Foto hiasan)

gunaan aplikasi WFW, ia akan ditambah baik dengan terjemahan 14 bahasa untuk mengalakkan lebih ramai pekerja terutama pekerja asing menyuarakan aduan berkaitan hal perburuhan," katanya.

Saravanan turut berkata, kerajaan menyasarkan peningkatan 35 peratus tenaga kerja berkemahiran tinggi baharu dalam sektor ekonomi menjelang tahun 2030.

Bagi mencapai sasaran itu, katanya, Pendidikan dan Latihan Teknikal dan Vokasional (TVET) menjadi medium terbaik bagi merealisasikan sasaran tersebut.

"KSM menerusi jabatan dan agensi TVET di bawahnya, komited memperkasakan pelaksanaan TVET negara.

"Kita akan berganding bahu dengan Kementerian lain yang berkaitan TVET untuk memperkasakan TVET secara holistik di

bawah naungan Majlis TVET Negara dipengerusikan Perdana Menteri," katanya.

Saravanan berkata, KSM menyokong inisiatif penjenamaan semula TVET negara dalam usaha menjadikannya pilihan utama platform penyediaan tenaga kerja berkemahiran dalam kalangan rakyat Malaysia.

Katanya, program usaha sama berteraskan TVET bersama industri melalui Sistem Latihan Dual Nasional itu wajar diperluas dan diperkasa pelaksanaannya bagi membantu kerajaan mencapai sasaran 35 peratus tenaga kerja mahir menjelang 2030.

"Menyedari potensi Sistem Latihan Dual Nasional ini, kerajaan bersetuju melaksanakan Sistem Latihan Dual Nasional Plus bermula 2021 melalui peningkatan elaun RM1,000 sebulan, berbanding RM625 sebelum ini," katanya.